

stà electo castelan a Rimino, et dovea partir; morì di cataro.

A dì 4, fo il zuoba santo, fo il perdòm a Santo Antonio. Et è da saper, la terra comenza a star mal di peste; et pur ne va a Lazareto a la zornata; et le polize è poste a la collona. Sono sopra la sanità sier Zuan Arseni Foscarini, sier Alvixe Zen et sier Valerio Valier, si che Idio no 'l voglia la vadi driedo.

A dì 5, fo il venere santo. Il principe a li officij, con il legato e l' orator di Ferara e il primocierio; l' orator yspano era amallato. Da poi disnar fo predichato a San Marco per il predichador di San Panthalon, di natione

A dì 6, fo il sabato santo. Da poi disnar non fo nulla.

A dì 8 (sic), fo el dì di Pasqua. Predichò a San Marco el predichador di San Zanne Pollo, e poi el principe andò a vespero a San Zacharia. Portò la spada sier Nicolò Pixani, va baylo a Corfù; fo suo compagno sier Francesco Nani, qual *etiam* fo a Corfù.

2* In questo giorno fo verificato, per più avisi, la nova, venuta eri, comme il papa havea auto la città di Forlì, *videlicet* quelli di la terra cridono, a dì . . . ditto, Chiesa; et il povero signor Lodovico Ordelafo, che quella alcuni zorni domineo, si parti . . . et vene a Faenza, *denum* capitò a Ravena. *Item*, el papa *etiam* si acordò con Maldonato, yspano, castelan, di aver la rocha, con alcuni capitoli, *videlicet* darli ducati XX milia, qual li vol a Venexia, et lui porti tutto quello è in rocha via, *excepto* le artilarie; et par voy, *ut dicitur*, salvo conduto di la Signoria nostra; quel sarà scriverò di soto. *Etiam* fo dito, il papa haver auto le roche di Cesena e Berthonoro, Ymola e Forlinpuovolo ave, *ergo etc.*

A dì 8, luni di Pasqua. Fu gran conseio. Fo posto parte, per li consieri, dar una galia grossa vechia al monasterio di Ogni Santi; et fu presa: 918, 31, 3.

Item, vene nova di Otranto, come sier Carlo da Molin, *quondam* sier Piero, da Santa Marina, era castelan, lui medemo, in la so camera, si havia dato, di una pistojese havia a lai, alcune bote nel petto, si che è morto. Questo non era ben sano di la mente *etc.*

A dì 9. Fo da poi disnar pregadi; et leto molte lettere di Roma, di Napoli e di Elemagna. *Item*, fo lettere di Constantinopoli, di sier Lunardo Bembo, vice baylo, di ultimo zener. Hor quelle di Roma, di 4 et 5, fo 3 cosse: la prima, el papa volle tornar a star a San Marco, li piace la stanza; la 2.^a

che Valentino, è pur a Hostia, havia dato la securtà al papa di li ducati 15 milia, et dovea far sicuro a quel capetanio di le do galie di ducati X milia, et lo condurano in Franza; 3.^o che 'l papa havia inteso le cosse di Forlì, e il successo di Remoratini, che cridò Chiesa, et la partita di quel signor Lodovico di Ordelafo, et venuto a Faenza; li piace assai, *maxime* havendo acordà la cossa col castelan in li duchati XX milia *etc.*, con le condition scrite di sopra. *Item*, per quelle di Elemagna, il papa non resta scriver contra 'la Signoria. Et da Constantinopoli 0 da conto, *solum* vi è gran peste e carestia.

Fu posto, per li savij, elezer *de presentì* do oratori, a portar el baston e stendardo di capetanio zeneral nostro al conte di Pitiano, è a Ravena, et con pena di ducati 1000 per uno, a chi sarano electi. Et presa ditta parte, fu facto el scurtinio, qual è questo:

Electi do oratori a portar el baston e stendardo a Ravena a l' illustrissimo conte di Pitiano.

145

Sier Vincenzo Cabriel, <i>quondam</i>	
sier Bertuzi, el cavalier, . . .	53 . .
Sier Marco Antonio Loredam, fo	
podeslà e capetanio a Treviso,	
<i>quondam</i> sier Zorzi, . . .	44 . .
Rimasto † Sier Zuan Diedo, fo provedador	
zeneral in Dalmatia, <i>quondam</i>	
sier Alvise,	103 . .
Sier Cabriel Emo, <i>quondam</i> sier	
Zuam, el cavalier,	97 . .
Sier Michiel Trivixam, <i>quondam</i>	
sier Andrea,	57 . .
Sier Giacomo Soranzo, <i>quondam</i>	
sier Francesco, dal banco, . .	96 . .
Rimasto † Sier Andrea Foscolo, fo ambador	
a Ferara, di sier Marco,	
el consier	119 . .
Sier Marin Trivixam, <i>quondam</i>	
sier Marchiò,	75 . .
Sier Filippo Sanudo, fo savio ai	
ordeni, <i>quond.</i> sier Marchiò,	72 . .
Sier Lunardo Emo, el savio ai	
ordeni, <i>quondam</i> sier Zuan,	
el cavalier,	78.91
Sier Marco Lippomano, el cavalier,	
è di pregadi,	42 . .
Sier Piero Michiel, è provedador	
sora i officij, <i>quondam</i>	
sier Lucha,	72 . .